

中国公共图书馆古籍文献珍本汇刊·史部

中国西北稀见方志续集

中国公共图书馆古籍文献珍本汇刊·史部

中国西北稀见方志续集(三)

中华全国图书馆文献缩微复制中心



中国西北稀见方志续集目录(三)

榆林县乡土志·····

一

米脂县志(康熙)·····

九一

米脂县志(民国)·····

卷首—卷七

一二九



榆林县乡土志

新平知縣
PDG

赫林县志

榆林縣鄉土志

歷史

縣治自前清雍正九年置

未置縣以前

唐堯屬朔方書曰宅朔方注朔方北荒之地榆林地處北陲堯時應屬荒服自虞肇十有二州逮夏商周均為雍州地

春秋屬白翟即晉文公攘戎翟居於西河圖洛之間所號白翟者是戰國屬魏按顯王八年魏築長城自鄭濱洛以迄有上郡文獻通考注上郡今上郡新秦銀川等郡地

秦屬上郡兩漢為上郡龜茲縣地

見高貢
維指

魏省晉屬赫連夏北魏

屬夏州西魏屬宏化郡北周為真鄉郡地又置寧朔縣屬宏化

郡隋罷郡以縣屬夏州唐貞觀二州年廢縣省入朔方開元中又

置唐末拓拔思恭鎮夏州歷五代世有其地是為銀州地尋陷

入西夏金元屬米脂縣明初因之成化七年都御史王銳始奏

設榆林衛建雙山常樂保寧歸德魚河五堡屬之清朝雍正九

年併五置榆林縣

既置縣以後

前清屬陝西省為榆林府治

政績錄

興利

余子俊字士英青神人祥子明景泰中進士歷陞至延綏巡撫徙鎮榆林增衛益兵拓城置戍請建學校擇俊秀子弟教之又立武學邑多棄地教之樹蔬果善政甚多至今民猶思之

張子立字原禮山東黃縣人明時進士以御史歷陞延綏巡撫修城堡開紅石峽以通水利民庶攸賴去之日士民遮道泣留

涂宗濬江西南昌人明時進士延綏巡撫時曾刊聖學源流修學宮創書院置學田增廩餼改武庫葺堠臺又創修鎮志俱垂不朽云

鄭汝璧縉雲人明時進士博雅工文翰巡撫延綏創清寧臺以望氛祲
嘗著方物篇申飭吏治行於世今城內武廟暨城外紅石峽遺筆甚
多皆詳言興利之政榆民重之

韓應琦字紹公南陽人清康熙四年任延綏總兵綏和文武練輯兵
民繕邊牆製軍器崇學校勸農田嚴互市賑貧窮凡宮觀橋梁及
文武二廟皆彼捐貲修葺且能文有儒將風邊民為立生祠

佟沛年漢軍正藍旗人康熙三十六年任榆林道榆故曠衍無膏腴
田康熙初屯兵漸減百姓逐末者益多無以自給沛年至議以榆神
府懷各邊牆外地土饒廣可令百姓開墾耕種以補內地之不足

詔准行之。是年秋，星使至榆，會勘於各邊牆外，展界石五十里，得沙灘田數千頃。沛年露處於外者數月，親為畫地正限，並為套人定庸租，徵地課焉。今榆之東邊外有地名大人窯子，即沛年憇息處。又城北十里雄石峽，鑿石開渠，引榆溪水溉田。榆民頌其德，比之明巡撫余子俊云。

韓奕，字克振，滿州籍，鄜州人。康熙三十八年任榆林城堡同知，性慈愛，精翰墨，居官清介，有政績。與佟觀察沛年施總鎮世駿同開水利，建文廟，作士恤民諸廢舉。

屠用中，字司垣，湖北孝感人。乾隆十七年任榆林府事，時政府縣未

久移建文廟增置學宮士子執經請業者漸夥用中乃求明巡撫熊
繡書院故址而修葺之躬率五屬捐俸二千餘金付商生息置講堂
學舍齋厨茶幄又置膏火田數十畝區畫經費董勸師儒士林至
今賴之

孔繼洞山東曲阜人由進士於乾隆二十一年任榆葭道為人恭己
禮下吏治民安捐俸修葺文廟創建書院時接諸生謂六經本諸
躬行初學入德始於致知格物隨時從道在乎觀象玩辭一時士風
為之丕振云

趙銓浙江蕭山人乾隆二十四年任榆林府事慈惠有守常修西

城外碧潯橋又引龍王泉水由府署而西注之學宮泮池名靈秀渠
周圍農民藉以灌溉園田獲利無窮

舒其紳直隸任邱人乾隆三十六年任榆林府事自佟觀察沛年
於雄石峽開渠引水經數十年輒復淤壞其紳令知事黃照訪
尋遺址溯源山北拓使南注計長十五里許以溉澤視昔較廣
名之曰廣澤渠並助修榆陽橋永濟橋歸德堡橋凡諸廢墜一
時並舉

維昂嘉慶十三年以邠州知州署榆林府事甫下車即請川楚
陣歿官兵卹典併出征老兵養贍辦理周匝不遺一人鰥寡孤獨

全活甚衆又捐義塚以瘞陣歿無嗣者時榆溪河田半歿於水昂督令士民築堤聚壩跡其勤情親勞來之嗣屢年旱賜傍河田皆倍獲焉

顏伯燾字魯魚道光初年由翰林任延榆綏道甫下車即捐建義倉九處一在城內餘八倉分置四鄉共儲京斗穀一萬四百四十一石又在東山捐建留養局一所每歲自十月起至次年二月止收養孤貧百名至今貧民賴之

趙宜煒江西南豐人由舉人於道光三年任榆林縣事值各鄉有偏災處親詣勘察詳請撫恤民需實惠助顏觀察沈郡守

整飭地方興學校築河隄日不暇處時年逾七旬以清廉抗直各大吏莫不器重焉

熊常鎬字聲谷江西鉛山人由進士於道光四年任榆林府事重整書院捐助膏火凡修河隄設立義倉留養局常鎬與有力焉慈惠清廉循聲懋著

李熙齡字雲渠由翰林於道光六年任榆林府事甫下車即嘉惠士林殷勤訓課府治舊無志書自熙齡捐俸創修俾一名一物得以昭垂後世皆其力也

杜薇之字浣花雲南昆明人由進士於道光十一年任榆林府事和衷

率屬勸民間植桑紡綫惜民未能奉行移修義倉於牌樓巷以避涇潮復於東山創建文昌奎星等樓以培文風

劉厚基字福堂湖南來陽縣人於同治九年任延榆綏鎮總兵時榆初遭兵燹軍民交困厚基竭力整飭幾於無廢不舉修書院立義學設牛痘局種種善政於所著戰功紀畧一書詳之旋卒於官奉旨建專祠於今城內之東山

張岳年字竹晨浙江鄞縣舉人於光緒六年由部曹出知榆林府事旋陞延榆綏道官榆最久善政頗多嘗於每歲冬季捐俸購買皮衣百餘件散給鰥寡孤獨光緒七八九等年癘疫頗仍岳年廣施醫

藥不惜巨費全活甚衆又振興學校重修文廟核斷火盤租界開鑿普濟橋涵洞石濠至今遺址猶存鄉人即其上紅山立廟祀焉
去害

張守中字大石山西聞喜人明時舉人歷陞延綏巡撫甫下車即抑豪橫懲貪墨肅紀綱戒淫侈惟修實政不事鋪張時軍民禔福奸宄斂迹

譚吉璉字石舟嘉興人由監生於康熙九年任榆林城堡同知為政清惠有古良吏風修鎮志革舊弊除凶橫十四年定邊副將朱龍叛璉與副使高光祖總兵許占魁協力進勦邊境以安制府上其功賜

忠藎可嘉匾額

吳雲從石門人乾隆十二年任榆林府事時初設府治編保甲弭盜賊剔弊除害循聲卓著

楊壽楠字培山江西人由翰林於乾隆五十四年任延榆綏道事挈網振紀獨持風憲一時吏治肅然以榆北城墉將陷於沙與士民籌議引邊外頭道河水環城而西注之榆溪河為刷沙除害計士民踴躍樂從皆資臂助鳩工開渠至城東十里之和尚井復向西流注於榆溪沙之害已去大半至今邊外沙渠故蹟猶存

溫承惠山西太谷人乾隆五十八年由部正郎出任延榆綏道力除舊弊